

COMISIÓN INFORMATIVA DE COOPERACIÓN, INFRAESTRUTURAS E MEDIO RURAL

ACTA da mencionada comisión informativa, correspondente ao día **19 de maio de 2021**

Ás 18.30 horas do día 19 de maio de 2021, reúnese a comisión informativa de Cooperación, Infraestruturas e Medio Rural, no salón de sesións da Deputación Provincial, coa asistencia dos seguintes deputados e deputadas:

Presidente: D. Pablo Pérez Pérez

Deputados/as do Grupo Popular:

D.^a Ana Patricia Torres Madureira

D. Álvaro José Fernández López

D. Miguel Antonio Cid Álvarez

D.^a Consuelo Vispo Seara

Deputados/as do Grupo Socialista:

D. Aurentino Alonso Araújo

D.^a Elvira Lama Fernández

D.^a Rosario Rodríguez Delgado

Deputado de Democracia Ourensana: D. Armando Ojea Bouzo

Deputado do BNG: D. Bernardo Varela López

Deputada non adscrita: D.^a Montserrat Lama Nóvoa

Secretario: D. Juan Marquina Fuentes

Interventor: D. José Mosquera Casero

Non asiste o deputado do Grupo Popular (don Jorge Pumar Tesouro) que é substituído por dona Consuelo Vispo Seara.

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 21 DE ABRIL DE 2021.-

Pola Secretaría Xeral deuse traslado do borrador da acta anterior, correspondente á ordinaria do día 21 de abril de 2021.

Non se producen intervencións e por unanimidade a comisión adopta o seguinte acordo:

Aprobar a acta da sesión ordinaria da Comisión Informativa de Cooperación, Infraestruturas e Medio Rural do día 21 de abril de 2021, conforme co borrador elaborado pola Secretaría Xeral.

2º.- CONVENIO DE COLABORACIÓN ENTRE A AXENCIA GALEGA DE INFRAESTRUTURAS, A DEPUTACIÓN PROVINCIAL DE OURENSE E O CONCELLO DE BANDE PARA A MELLORA DA SEGURIDADE VIARIA NA TRAVESÍA DE BANDE.

O Sr. secretario dá conta do contido da proposta.

D. Bernardo Varela López, do BNG, felicita á alcaldesa de Bande pola xestión política para conseguir a sinatura deste convenio, para a continuación preguntar as instrucións para que o resto de concellos poidan conseguir convenios deste tipo. Entende que esta petición lla realiza a propia Deputación á Xunta de Galicia, xa que se trata dun convenio moi beneficioso para este concello e ao que debería poder acceder en condicións de igualdade o resto de concellos da provincia.

D. Aurentino Alonso Araújo, do Grupo Socialista, toma a palabra para preguntar tamén a que porta hai que chamar para conseguir a sinatura de convenios como este. Sobre o obxecto do convenio entende que evidentemente é unha obra necesaria, se ben entende que moitas travesías e interseccións similares que hai noutros moitos concellos serían igualmente necesarias.

Non se producen máis intervencións e co voto favorable do Grupo Popular (5) e da deputada non adscrita, e a abstención do Grupo Socialista (3), de DO (1) e do BNG (1), a comisión ditamina favorablemente a adopción, por parte do Pleno, do seguinte acordo:

1º. Aprobar o convenio de colaboración entre a Axencia Galega de Infraestruturas, a Deputación Provincial de Ourense e o Concello de Bande para a mellora da seguridade viaria na travesía de Bande, consonte coas seguintes cláusulas:

Primeira.- Obxecto

O obxecto deste convenio é o establecemento das condicións que rexerán a colaboración entre a Axencia Galega de Infraestruturas, a Deputación Provincial de Ourense e o Concello de Bande, para as actuacións de mellora da seguridade viaria na travesía de Bande.

A actuación desenvolve a proposta formulada pola Dirección Xeral de Tráfico, e consistirá en:

- Mellora da seguridade viaria de interseccións.
- Continuidade de itinerarios peonís interrompidos.
- Redución da velocidade: estreitamentos de carrís, sobreanchos en beirarrúas, plataforma única nunha intersección.
- Reordenación do aparcamento e mellora das paradas de autobús.
- Mellora da accesibilidade e iluminación específica de pasos de peóns.
- Nova capa de rodadura.

O orzamento de execución das obras, de acordo co proxecto redactado pola Axencia Galega de Infraestruturas, estímase en seiscentos noventa e tres mil cincocentos trinta e cinco euros con setenta céntimos de euro (693.535,70 €), IVE incluído.

Ao dito importe cómpre engadirlle os conceptos de dirección de obra e coordinación de seguridade e saúde, orzamento en trinta e dous mil seiscentos setenta euros (32.670,00 €), IVE incluído.

O orzamento total ascende a setecentos vinte e seis mil douscentos cinco euros con setenta céntimos (726.205,70 €).

Segunda.- Requisitos

De acordo co establecido no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas, será requisito para a concesión desta subvención directa que o Concello de Bande cumprise co deber de remisión ao Consello de Contas da súa conta xeral.

Terceira.- Obrigas do Concello

Ademais das establecidas no artigo 11 da Lei 9/2007, do 13 de xuño, de subvencións de Galicia, serán obrigas do Concello de Bande:

1. Levar a cabo as obras obxecto deste convenio.
2. Asumir as obrigas económicas que excedan do importe consignado na cláusula primeira.
3. Cumprir os requisitos para obter a condición de beneficiario establecidos no artigo 10 da Lei 9/2007, do 13 de xuño, de subvencións de Galicia.
4. Consonte co establecido no artigo 27.5 da Lei 9/2007, do 13 de xuño, de subvencións de Galicia, o concello asume, na súa condición de beneficiario, a total

responsabilidade da execución da actividade subvencionada fronte a administración. Tamén se compromete a establecerlle ao contratista a obriga de colaboración para o exercicio das funcións de control previstas no artigo 45 da citada lei.

5. Facilitar, se fose o caso, toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas de Galicia no exercicio das súas funcións de fiscalización e control do destino das axudas obxecto do presente acordo.
6. Comunicarlles á Axencia Galega de Infraestruturas e á Deputación Provincial de Ourense, se fose o caso, a alteración nas condicións tidas en conta para a concesión da axuda obxecto deste convenio e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais para os efectos de propoñer, se procedese, a modificación das condicións establecidas neste convenio.
7. Comunicarlle á Axencia Galega de Infraestruturas e á Deputación Provincial de Ourense a data de recepción das obras para os efectos de que estas envíen un representante se así o estiman oportuno.
8. O concello deberá dar publicade da obra mediante un cartel anunciador no que conste expresamente o financiamento da Xunta de Galicia (Consellería de Infraestruturas e Mobilidade – Axencia Galega de Infraestruturas) de acordo coa imaxe corporativa oficial da Xunta de Galicia.

O anterior cartel de obras complementarase con outro situado ao seu carón coa única mensaxe “Xunta de Galicia”, co seguinte deseño:



En todo caso, este último cartel terá a mesma altura que o cartel de obra convencional, e manterá a proporción desta imaxe na dimensión horizontal.

Cuarta.- Compromisos da Xunta de Galicia

A Xunta de Galicia, a través da Axencia Galega de Infraestruturas, asume o compromiso de financiar a execución das obras, a súa dirección e coordinación e saúde, destinando para iso ata un máximo de trescentos sesenta e tres mil cento dous euros con oitenta e cinco céntimos de euro (363.102,85 €) con cargo á partida orzamentaria 09.A1.512B.760.0, código de proxecto 1999-06714, dos orzamento da Axencia Galega de Infraestruturas, de acordo coa seguinte distribución:

Ano	Importe (€)
2021	127.085,98
2022	236.016,87
Total	363.102,85

A Axencia Galega de Infraestruturas aboaralle ao Concello de Bande o importe correspondente a cada anualidade, logo da súa xustificación segundo o establecido na cláusula sexta.

O importe consignado para a execución das obras e actuacións previstas obxecto deste convenio inclúe os posibles modificados, revisións de prezos, liquidacións das obras e reposición dos servizos afectados.

Quinta.- Compromisos da Deputación Provincial de Ourense

A Deputación Provincial de Ourense financiará a execución das obras, a súa dirección e coordinación e saúde, destinando para iso ata un máximo de trescentos sesenta e tres mil cento dous euros con oitenta e cinco céntimos de euro (363.102,85 €) con cargo aos seus orzamentos, de acordo coa seguinte distribución:

Ano	Importe (€)
2021	127.085,98
2022	236.016,87
Total	363.102,85

A Deputación Provincial de Ourense aboaralle ao Concello de Bande o importe correspondente a cada anualidade logo da súa xustificación segundo o establecido na cláusula sexta.

O importe consignado para a execución das obras e actuacións previstas obxecto deste convenio inclúe os posibles modificados, revisións de prezos, liquidacións das obras e reposición dos servizos afectados incluídos no orzamento de execución do proxecto construtivo.

Sexta.- Xustificación e pagamento

A xustificación dos gastos e o seu pagamento realizarase nos termos establecidos na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o regulamento da citada lei, e no Decreto 193/2011, do 6 de outubro, polo que se regulan as especialidades nas subvencións ás entidades locais galegas.

Segundo o establecido no artigo 62 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, poderán realizarse pagamentos a conta, que responderán ao ritmo de execución da acción subvencionada. Estes pagamentos aboaranse por contía equivalente á xustificación presentada, ata un máximo do 80%.

O Concello de Bande xustificará a subvención mediante a presentación da seguinte documentación:

- . Certificación da intervención ou do órgano que ten atribuídas as facultades de control da toma de razón en contabilidade do gasto realizado e do cumprimento da finalidade para a que foi concedida.
- . Certificación expedida pola secretaría da entidade local, co visto e praxe do alcalde, relativa á aprobación polo órgano competente da conta xustificativa da subvención na que se faga constar, como mínimo, de forma detallada:
 - O cumprimento da finalidade da subvención.
 - Os gastos totais imputables á actuación subvencionada, coa identificación do acredor/a, número de factura, data de emisión e data de recoñecemento da obriga polo órgano competente.
 - Os documentos acreditativos dos gastos realizados con recursos propios.
 - Unha relación detallada doutros ingresos ou subvencións que financiasen a actividade subvencionada, coa indicación do importe e a súa procedencia, de ser o caso.

. Acreditación do cumprimento das obrigas tributarias, coa Seguridade Social, e de non ter pendente de pagamento débedas coa administración pública da comunidade autónoma, de conformidade co establecido nos artigos 10 e 11 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

. Declaración responsable da obtención doutras subvencións, axudas, ingresos ou recursos que financien as actuacións subvencionadas.

. Mostra fotográfica da publicidade da subvención, segundo o establecido na cláusula terceira do convenio e reportaxe das obras finalizadas.

Serán subvencionables os gastos realizados durante os anos 2021 – 2022. A data límite para a xustificación destes gastos é o 10 de decembro de cada ano.

O pagamento realizarase pola parte proporcional da contía da axuda efectivamente xustificada, calculada en función da porcentaxe subvencionada sobre o custo total da actividade.

De conformidade co establecido no artigo 3.1 do Decreto 193/2011, do 6 de outubro, polo que se regulan especialidades nas subvencións ás entidades locais galegas, unha vez que se efectúen os libramentos por parte da Axencia Galega de Infraestruturas e da Deputación Provincial de Ourense a favor do Concello de Bande, este deberá acreditar documentalmente a efectividade dos pagamentos realizados no prazo máximo de sesenta días naturais contados a partir do ingreso na conta bancaria da beneficiaria de cada un dos aboamentos da subvención concedida.

Sétima.- Seguimento e control

Para o seguimento, control e avaliación de cantas dúbidas poidan xurdir na aplicación do convenio constituirase unha comisión de seguimento, coa participación dun representante da Deputación Provincial de Ourense e dun representante do Concello de Bande.

A comisión poderase reunir as veces que se estimen oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula primeira.

As cuestións litixiosas xurdidas da interpretación, desenvolvemento e aplicación do convenio serán resoltas pola Axencia Galega de Infraestruturas, poñendo os seus acordos fin á vía administrativa. Contra estes acordos poderase interpoñer un recurso contencioso-administrativo ante o Tribunal Superior de Xustiza de Galicia, de conformidade co

disposto na Lei 29/1988, do 13 de xullo, reguladora da xurisdición contencioso-administrativa.

Oitava.- Natureza do convenio

Este convenio ten natureza administrativa, rexéndose polas cláusulas que nel se establecen e, no seu defecto, polo regulador na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da Lei de subvencións de Galicia e na Lei 38/2003, do 17 de novembro, xeral de subvencións, e demais normas de procedente aplicación.

Novena.- Compatibilidade

Esta axuda é compatible coa obtención doutras subvencións, axudas, ingresos ou recursos doutras entidades para a mesma finalidade procedentes de calquera administración ou entes públicos ou privados, nacionais, da Unión Europea ou de organismos internacionais, sempre que a contía total das axudas non supere o 100% do importe da actividade subvencionada. No caso de que a subvención concedida supere, illadamente ou en concorrencia con outras, o custo da actividade para a que foi concedida a subvención, descontarase o exceso obtido sobre o citado custo.

Décima.- Revogación, reintegro e resolución

A asuca concedida ao abeiro deste convenio poderá ser obxecto de revogación ou reintegro, xunto cos xuros de demora, cando concorran as circunstancias previstas nos artigos 32 e 33 da Lei 9/2007, do 13 de xuño, de subvencións de Galicia, nos artigos 74 e seguintes do Decreto 11/2009, do 8 de xaneiro, polo que se aproba o Regulamento da Lei de subvencións de Galicia e na Lei 38/2003, do 17 de novembro, xeral de subvencións.

Será causa de reintegro total o incumprimento das obrigas establecidas para o concello nas cláusulas deste convenio.

En todo caso, será causa de extinción deste convenio a inviabilidade da realización da actuación por causas non imputables ás partes. Así mesmo, será causa de extinción a denuncia por causas de interese público a instancia de calquera das partes asinantes.

Undécima.- Publicidade

De conformidade co artigo 17 da Lei 1/2016, do 18 de xaneiro, de transparencia e bo goberno, a Axencia Galega de Infraestruturas publicará no Diario Oficial de Galicia e na páxina web oficial o importe da axuda concedida. A sinatura do convenio leva implícito o

consentimento expreso do beneficiario a favor da administración concedente para o tratamento necesario dos datos relevantes da axuda concedida e a súa publicación.

Así mesmo, para cumprir co disposto no artigo 20 da Lei 38/2003, do 17 de novembro, xeral de subvencións, a información requirida seralle comunicada á Base de Datos Nacional de Subvención (BDNS).

Duodécima.- Vixencia do convenio

Este convenio terá vixencia desde a súa sinatura ata o 31 de decembro de 2022 e financiará os gastos realizados desde o 1 de xaneiro de 2021 nas condicións establecidas na cláusula sexta.

2º. Ao tratarse dun **gasto plurianual**, comprometerse ao cumprimento do réxime financeiro proposto, co compromiso de incluír no orzamento xeral desta Deputación para os exercicios seguintes as cantidades correspondentes, para asumir as anualidades do gasto indicadas.

3º.- BASES REGULADORAS DO PROGRAMA PROVINCIAL DE COOPERACIÓN PARA A ELABORACIÓN DE PLANS DE EMERXENCIA POR SECA, COMPLEMENTARIO DAS AXUDAS CONCEDIDAS POR RESOLUCIÓN DO 28 DE DECEMBRO DE 2020, PUBLICADA NO DOG Nº 6, DO 12 DE XANEIRO DE 2021 POLA QUE SE FAN PÚBLICAS AS AXUDAS CONCEDIDAS AO ABEIRO DA RESOLUCIÓN DO 1 DE XUÑO DE 2020 POLA QUE SE APROBAN AS BASES REGULADORAS PARA A CONCESIÓN DE SUBVENCIONES AOS CONCELLOS, EN RÉXIME DE CONCORRENCIA COMPETITIVA, DESTINADAS Á REDACCIÓN DE PLANS DE EMERXENCIA ANTE SITUACIÓNS DE SECA, E SE CONVOCAN PARA O ANO PUBLICADA NO DOG Nº.118, DO 17 DE XUÑO DE 2020

O Sr. secretario expón o contido da proposta.

D.ª Elvira Lama Fernández, do Grupo Socialista, pide que se lle aclare a razón de que a contía de 3.750 euros prevista para cada un dos concellos relacionados na cláusula primeira sexa inferior á inicialmente prevista na modificación orzamentaria.

O **presidente da comisión** aclara que esta cantidade se tomou como referencia da contía máxima que pode recibir un concello en función da concedida pola Xunta de Galicia, se ben o normal será que moitos deles a subvención sexa incluso máis baixa pola baixa que se obteña na adxudicación e porque a suma da subvención da Deputación e a da Xunta non pode superar o importe total do proxecto.

Non se producen máis intervencións e co voto favorable do Grupo Popular (5) e da deputada non adscrita, e a abstención do Grupo Socialista (3), de DO (1) e do BNG (1), a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente as bases reguladoras do Programa Provincial de Cooperación para a elaboración de plans de emerxencia por seca, complementario das axudas concedidas por resolución do 28 de decembro de 2020, publicada no DOG nº 6, do 12 de xaneiro de 2021 pola que se fan públicas as axudas concedidas ao abeiro da Resolución do 1 de xuño de 2020 pola que se aproban as bases reguladoras para a concesión de subvencións aos concellos, en réxime de concorrència competitiva, destinadas á redacción de plans de emerxencia ante situacións de seca, e se convocan para o ano publicada no DOG nº.118, do 17 de xuño de 2020, co seguinte teor literal:

Primeira.- Obxecto:

1. Constitúe o obxecto destas bases a regulación dun programa de cooperación para a elaboración de plans de emerxencia por seca, destinado exclusivamente ós concellos da provincia de Ourense relacionados no punto terceiro desta cláusula, co fin de complementar as axudas concedidas a aqueles con dita finalidade por Augas de Galicia mediante resolución do 28 de decembro de 2020, publicada no DOG nº 6, do 12 de xaneiro de 2021 pola que se fan públicas as axudas concedidas ao abeiro da Resolución do 1 de xuño de 2020 pola que se aproban as bases reguladoras para a concesión de subvencións aos concellos, en réxime de concorrència competitiva, destinadas á redacción de plans de emerxencia ante situacións de seca, e se convocan para o ano publicada no DOG nº.118, do 17 de xuño de 2020. O obxectivo do programa é que as entidades locais beneficiarias dispoñan dun instrumento básico de planificación para xestionar os posibles episodios de seca, de tal xeito que se garanta o abastecemento á poboación e se fomente o emprego eficiente dos recursos hídricos.

2. Para ser subvencionables, os plans de emerxencia por seca deberán ter un contido acorde ó disposto no artigo 7 da Lei 10/2001, do 5 de xullo, do Plan hidrolóxico nacional, nas demais disposicións legais e regulamentarias de aplicación e nos plans de seca das correspondentes demarcacións hidrográficas.

En todo caso, o seu contido incluirá, como mínimo:

a) Unha descrición e un diagnóstico do sistema de abastecemento, con indicación dos recursos dispoñibles, as áreas de captación e as demandas de auga.

b) A determinación das zonas máis vulnerables en caso de seca e dos usos da auga máis relevantes desde o punto de vista económico e social, coa identificación da poboación,

os condicionantes ambientais, os principais elementos do patrimonio natural e actividades estratéxicas que poderían verse afectados.

c) Un sistema de indicadores e escenarios coherente co recollido no correspondente plan de seca da súa demarcación hidrográfica.

d) As medidas de xestión a adoptar en cada un dos distintos escenarios incluídos.

e) A previsión dunha subministración alternativa ante situacións de escaseza temporal, razoable e proporcional ás concretas circunstancias que potencialmente se poidan producir nestas situacións e á súa duración.

f) As actuacións que se considere necesario executar para garantir o abastecemento á poboación durante un episodio de seca, incluídas as obras de captación e condución que sexan precisas.

3. Este programa desenvolverase mediante a concesión de subvencións ós concellos que seguidamente se relacionan, co fin de complementar o financiamento das actividades necesarias para acadar o obxectivo proposto: Cartelle, Castrelo de Miño, Cortegada, Gomeśende, Larouco, Nogueira de Ramuín, Piñor, Parada de Sil, Pontedeva e Toén.

4. As actuacións subvencionadas poderán realizarse mediante calquera modo de xestión dos previstos na lexislación de réxime local, sendo subvencionables todos os gastos directos do servizo. Exclúense os gastos indirectos, así como os definidos como non subvencionables nos apartados 7 e 8 do artigo 31 da Lei xeral de subvencións.

Segunda.- Gastos subvencionables:

Terán a consideración de gastos subvencionables todos os que, tendo este carácter conforme coa lexislación vixente en materia de subvencións, financien as anteditas contratacións, incluíndo gastos salariais e de Seguridade Social, así como os honorarios ou contraprestacións económicas por servizos profesionais prestados por contratistas.

Terceira.- Contía das subvencións:

A contía das subvencións concedidas ao abeiro deste Programa de cooperación será de 3.750,00 € por entidade local, sen prexuízo de que dito importe poderá reducirse nos casos en que así se solicite expresamente pola entidade local interesada.

En todo caso, a contía da subvención nunca poderá exceder do 20% dos gastos subvencionables soportados pola entidade beneficiaria, polo que se reducirá no importe correspondente cando resulte procedente

Cuarta.- Disponibilidades orzamentarias:

O financiamento das subvencións reguladas no presente programa realizarase con cargo ós orzamentos da Deputación Provincial de Ourense para o exercicio 2021, no que efectuaranse as consignacións necesarias

Quinta.- Tramitación e adhesións:

1.- O presente programa será sometido a aprobación inicial polo pleno da corporación provincial e seguidamente a información pública polo prazo de 10 días hábiles, mediante a publicación do correspondente anuncio no Boletín Oficial da provincia de Ourense. De non producirse alegacións entenderase aprobado definitivamente e, no caso contrario, someteranse aquelas á consideración do pleno para a aprobación definitiva do programa. Logo de aprobarse definitivamente o programa, publicarase o pertinente anuncio no Boletín Oficial da provincia de Ourense, incluíndo o texto íntegro desta bases e a relación de concellos beneficiarios e das axudas concedidas

2. A aprobación definitiva do programa levará implícita a adhesión dos concellos beneficiarios, sen prexuízo da súa facultade de formular as alegacións que estimen oportunas con ocasión do trámite de información pública e de renunciar as axudas con posterioridade á súa concesión efectiva

Sexta.- Deberes dos beneficiarios:

Con carácter xeral, os beneficiarios asumirán todos os deberes impostos por estas bases e pola Lei xeral de subvencións, en todo aquilo que non resulte incompatible coas bases do programa. En particular, quedan suxeitos aos deberes de control financeiro e reintegro nos casos previstos na devandita lei.

Sétima.- Xustificación e pago da subvención:

1. As entidades beneficiarias deberán xustificar a subvención antes da data 30 de novembro de 2021.

2. A dita subvención xustificarase mediante a presentación dos seguintes documentos:

a) Certificado expedido pola persoa que teña ao seu cargo o desempeño das funcións de intervención do concello beneficiario, no que se fagan constar os seguintes extremos:

- Que se cumpriu a finalidade para a que foi concedida a subvención.*
- Relación de contratos/nomeamentos formalizados/realizados con cargo á subvención, indicando o seu obxecto, duración e importe.*
- Contía do gasto subvencionable que foi obxecto de recoñecemento da obrigaón nos exercicios 2020 e 2021.*

- *Importe das subvencións ou axudas públicas concedidas para o financiamento dos contratos/nomeamentos subvencionados.*

b) *Certificación da conta corrente da entidade para a realización do pago da subvención.*

Oitava.- Compatibilidade con outras axudas ou subvencións públicas:

Estas axudas son compatibles con outras axudas ou subvencións, concedidas por administracións distintas da propia Deputación de Ourense ou do INORDE para a mesma finalidade, sempre que o conxunto das axudas percibidas non exceda do 100 % do gasto directo do servizo subvencionado soportado pola entidade local no mesmo período. No caso de que as subvencións percibidas excedan a devandita porcentaxe, a subvención reducirase ata conseguir o límite sinalado. A redución poderá acordarse, de oficio ou a instancia do beneficiario, en calquera momento no que a Deputación teña coñecemento da concorrencia de axudas, e mesmo con posterioridade ao pago da subvención, mentres non prescriba a acción administrativa de reintegro. En ningún caso a achega da deputación provincial excederá do 20% do gasto soportado polo concello.

Novena.- Normativa aplicable:

De conformidade co establecido na Disposición Adicional 8ª da Lei xeral de subvencións, as subvencións incluídas neste programa de cooperación réxense polas súas normas específicas. A Lei xeral de subvencións e as súas normas complementarias e de desenvolvemento serán de aplicación supletoria, excepto naqueles casos en que as presentes bases remitan ás devanditas normas, en que serán de aplicación directa.

2º.- Someter a trámite de información pública, mediante anuncio publicado no Boletín Oficial da Provincia de Ourense, as bases inicialmente aprobadas polo prazo de 10 días hábiles, durante os cales as entidades interesadas poderán formular as alegacións ou suxestións que consideren oportunas, que deberán ser resoltas motivadamente no acto de aprobación definitiva.

No caso de non formularse alegacións en prazo, entenderanse automaticamente aprobadas de forma definitiva, procedendo á súa publicación no Boletín Oficial da Provincia.

4º.- MOCIÓN DO GRUPO SOCIALISTA SOBRE A REBAIXA DAS PEAXES NA AUTOESTRADA AP-53 QUE UNE AS PROVINCIAS DE OURENSE, PONTEVEDRA E A CORUÑA.

D.^a Rosario Rodríguez Delgado, do Grupo Socialista, explica o contido da moción e dá lectura ás propostas de acordo.

D. Bernardo Varela López, do BNG, toma a palabra para indicar que a primeira vez que leu a moción pensou que se trataba dun erro do Grupo Socialista, que reclama na súa moción unha bonificación nunha peaxe que depende do goberno de Madrid. En todo caso lembra que esta concesión foi outorgada no goberno do Partido Popular de José María Aznar e que o goberno socialista de Rodríguez Zapatero mantivo as mesmas condicións. Engade que tanto do PSOE como o PP desde o goberno de Madrid puxeron sempre o prazo máximo legalmente previsto para a concesión das autoestradas galegas, sendo todas elas de 75 anos. En todo caso sinala que está de acordo co contido da moción, se ben entende que sería máis enriquecedor pedir que se aplique este beneficio a todas as peaxes de todas as autoestradas galegas.

D.^a Montserrat Lama Nóvoa, deputada non adscrita, intervén para manifestarse tamén sorprendida pola moción do Grupo Socialista, se ben quere lembrar tamén que o portavoz do BNG facilitou a investidura do actual goberno socialista en Madrid.

Non se producen máis intervencións e co voto favorable do Grupo Socialista (3) e a abstención do Grupo Popular (5), de DO (1), do BNG (1) e da deputada non adscrita a comisión ditamina favorablemente a adopción, por parte do Pleno, do seguinte acordo:

1º.- Instar ao Goberno de España a aprobar, o máis axiña posible, un proxecto de Real decreto de modificación da concesión da autoestrada de titularidade estatal AP-53 Santiago de Compostela-Alto de Santo Domingo, para bonificación de peaxes.

2º.- Instar á Xunta a solicitar, o máis axiña posible, a transferencia á Comunidade Autónoma da titularidade da autoestrada AP-53 Santiago de Compostela-Alto de Santo Domingo, cumprindo así os acordos adoptados polo Parlamento de Galicia.

5º.- MOCIÓN DE URXENCIA.- Non se presentan.

6º.- ROGOS E PREGUNTAS.- Nesta quenda prodúcense as seguintes intervencións:

D. Bernardo Varela López, do BNG, reitera que no último pleno do mes de abril solicitou un informe sobre o estado do procedemento xudicial da estrada provincial de Vilamartín de

Valdeorras e que o presidente lle contestou que en poucos días se lle remitiría un informe ao respecto. Como aínda non recibiu o dito informe reitera a súa petición.

O presidente da comisión entende que debeu haber algún tipo de erro, xa que cre que o informe está xa feito porque o leu estes días, en todo caso engade que mañá mesmo conseguirá o informe e o trasladará ao solicitante e ao Grupo Socialista que tamén así o pedira no Pleno.

E ás 18.55 horas dáse por finalizada a reunión, redactándose a presente acta que se asinará electronicamente. Dou fe.